

سنہ : ۱

ماہ : ۱۳۳۲

صافی : ۲

دارالافتون

خفون فاہولتہ محمدیہ

حقوق ، سیاسیات ، اقتصادیات

ایک آبدہ برنر انور

کتابیات

تدقیق مؤلفات

L'Extradition et le Droit extraditionnel théoriques et appliqué

PAR

J. Saint-Aubin

ایکي جلد — ۲۵ فرانق — پارس — طایبی کتابچی (په دون)

— ۱۹۱۳ —

ممالک عثمانیه ده امتیازات اجنبیه نك الغامی اوزرینه دیگر برمملکتده ایقاع جرم ایله مملکت مزه التجا ایدن اجنبی مجرملرک دردستلریله صلاحیتدار اولان محاکم اجنبیهیه سوقلری خصوصنده اجنبی قونسلوسلرینک هیچ برادعا سردینه ویامعامله حقوقیه اجراسنه صلاحیتلری قلامش بواعتبار ایله اعاده مجرمین مسئله سنک عمومی برصورتده نظریاتی ومختلف ممالکده کی تطبیقاتی تبع ایله ایلروده لزوم کوریه جک قوانینمزک ویامعاهداتمزک اساسلرینی حاضر لاقم حقوق شناسلریمزه مرتب وجائبدن در .

ایشته بو نقطه نظر دن مجموعه مزده بومسئله نك مختلف مباحثی تدقیق ایتمک حقنی محافظه ایله برابر بوراده صوگ زمانلرده انتشار ایدن براتر نفیس علمینک خطوط اساسیه سندن بحث ایتمک ایستوروز. بو اثرده پارس محکمه استینای رئیس (ژ . سنت اوبه ن) طرفندن اتالیف وموسو (له تون بورژووا) نك بر مقدمه سیله توشیح ایدیلهرک ۱۹۱۳ سنه سنده یکی جلد اولهرق موقع انتشاره وضع ایدیلن واسمی شو سطرلره سرنامه اولان کتابدر . اعاده مجرمین مسئله سنک هیئت عمومی سی (قالوو) (پرادیه فوده ره) (ده سپانیه) کی کی حقوق دول علماسنک (فوسته ن تلی) (غارو) . . کی جزائیونک قلاسیک اثرلرنده وسعت کافیه ایله تدقیق ایدلش اولمقله برابر آریجه بو موضوع اوزرینه السنه مختلفه ده خیلی بویوک کتابلر ، مونو غرافیلر ده وجوده گلش ایدی .

از جمله فرانسیز جده (بیللو)، (بومبوی و ژیلبرهن) (برنار) (بوشه) نک و ایالتیالانجه دن « حقوق جزائیة دول و اعاده مجرمین » نامیه مترجم (پاسقواله فیوره) نک مفصل مصنفاتیه آلمانجه ده (هولچندورف) (لاماش) (مارتیچ) (غروش) کی حقوق شناسلرک بو بحثه منحصر کتب مفصله سی و انکلیز جده (اسپر) (جون باست مور) (قلارق) (بیرون و شالمه رس) ک آثار ی بو وادیده یالکز اوچ لسانده منتشر مصنفاتک آنجق برقاچ دانه سی در . اعاده مجرمینک یالکز بر فصله ، بر جزئنه و مثلاً تبعه نک عدم اعاده سنه و یا جرائم نسیه سیاسیه . . . دأر رسائل موقوته ده لایعد تدقیقات موجود در .

الده بودرجه مفصل و عمیق آثار وار ایکن عین مسئله اوزرینه یازی یازمق ایچون مؤلفک اونلردن دها فضله و یا دها باشقه بر دیه جکی اولمق لازم کلیر . بوسیله موسیو (سنت اوبه ن) نک اثرنده بر اصلیت و ممتازیت آرامقده حقلی ز . شونی تسلیم ایده رزکه مؤلفک افکار و مطالعاتنده کندینه خاص بر جهت بولونما مقله برابر اثر حقوق دول ایله اشتغال ایدنلرک اعاده مجرمین مسئله سنده . دائماً مراجعت مجبوریتده بولونه جقلری مدونات مفصله و مکمله دن در . تقریض نویس موسیو (بورژوا) ، بوارک ، درین برفن ، پایانسز بر تجربه ، کسکین بر فکر فلسفی ایله یازلمش اولدیغنی سوبلیور .

بوندن باشقه مؤلف ، ایجابات عملیه یی ده کمال اعتنا ایله نظر دقته آلمش ، کندیسی حاکم اولدیغنی ایچون حسب الوظیفه ایشک جهت عدلیه و فعلیه سیله خیلی زمان مشغول اولمشدر . هر نه قدر فرانسه ده بر اعاده مجرمین قانونی موجود اولماق حسیله اوراده اعاده مجرمین ده اداری بر طرزده جریان ایدر سده حکام ، هم حقوق جزا و هم حقوق دوله تعلق ایدن بو مسئله نک تطبیقاتیه اشتغاله فرصت یاب اولد قلرندن کار آزموده بر حاکمک بو بحثده دیکلنه جک بر سوزی بولنه بیلیر . کندی مملکتنده جاری و صرف اداری اصول اعاده نک محاذیرینه بحق مطلع اولان موسیو (سنت اوبه ن) ، قوه عدلیه نک اعاده معامله سنه مداخله سی اصولی مرجع بولیور . وقوه اداره دن زیاده قوه عدلیه نک عدالت و منفعت عظماسنی تأمین واجبی ملتجینک حقوقی صیانت ایده بیله جکنی سوبلیور که حتی فرانسیز مؤلفلر آره سنده بیله بو حقیقتک ایلاک کاشفی کندیسی اولما مقله برابر - رأی صغت قضائیه سندن شایان دقت بر قیمت آلیر کی کورونمکده در .

اثرک تقسیماته کلنجه - برنجی فصلده : اعاده مجرمینک منشأ ، لزوم و اساس و منابعی

تعیین ایدل کردن صوکره ایکنجی فصلده: اورویا دول معظمه وصغیره سندن ژاپونیا وپه رویه
 قدر دنیانک بر جوق مملکتلرنده جاری اصول اعاده ایضاساح اولونیور . بعده اوچنجی
 فصلده طلب اعاده نك قبولی خصوصنده اسباب مانعه dirimantes ویا تعویقه dilatoires یه
 کچیلیور . تبعه نك عدم اعاده سی، جرائم سیاسیه Anti-sociaux جرملر، مذهبی، عسکری
 جرائم حقنده شایان دقت تشریحانه کیریشیلور . اعاده مجرمین حقوقنک تطبیق اولنه جنی
 محللر دخی مؤلفه مهم بر موضوع تدقیق عرض ایدیور . موسیو (سنت اوبه ن)، جرائمی
 سیرهوئی ایله مناسباتی نقطه نظرندن ده تدقیق ایتمک صورتیه پک یکی پروادی یه کیریور .
 کتابک دردنجی فصلی، شخص معادک ملجأ مملکتده و بعدالتسليم طالب اعاده دولت
 اولکهنده کی وضعیت حقوقیه سندن یعنی اعاده نك نتایجندن باحذر . ثبوت جرمه مدار
 اوله جق شیرک ضبطی، اعاده بعدالاعاده، ترانسیت، استابهلر . . . الخ کی معاملات
 متممه و مصارف مسئله سی بشنجی فصلی تشکیل ایدیور . آلتنجی فصل، اعاده مجرمین
 حقنده باشلیجه قوانین اجنبیه نك برخلاصه سی، یدنجی فصلده فرانسه نك دیگر مملکتلرله
 عقد ایتمکی اعاده مجرمین معاهده لرینک متنی احتوا ایلور . مکمل بر بیلو عرافی و مفصل
 بر فهرست ایله ده قیمتی آرتان بوائر حقوق دول و جزایی نظری صورتده تتبع ایدنلره
 کوزل برمر اجفتکاه اوله بیله جکی کی سیاسی واداری مأمورین ایله حکامه ده امین بر رهبر
 خدمتی ایفا ایده بیلیر .

